



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 369. De Nothradi traditione mansorum in Adalingeresthorpe intra pagum Norththuringi, nec non de origine S. Ludgeri, fundatoris abbatiae Werdinensis et monasterii Helmstadiensis.

**urn:nbn:de:hbz:466:1-36114**

## §. 368.

Tradidit marcuardus II mansos et II mancipia pro filio suo godfrido in *gaderfhus* (o) et I iurnalem.

et gubernante Corbeiam Bouone II.

## §. 369.

Tradidit nothradus II mansos et III mancipia in *adalingerefthorpe* (p) alterum pro patre suo fritherico et alterum pro patruo suo luituario.

## §. 370.

(o) *Gaderibus* villa erat, Registro Sarachonis teste, in pago *Logne*. Intelligendus ergo videtur vicus *Gunterjen*, in principatu Gottingensi intra diocesin Adelipfensitum.

De villa Gaderibus in pago Logne

(p) Huius *Notbradi* eiusque traditionis hactenus consulto mentionem nullam iniicere volumus, ne omnia vno loco effunderemus, quæ facerent ad confirmandam sententiam nostram de origine et Walbecensium et Supplinburgicorum et Anhaltinorum comitum, iam alibi ex parte tractatam. Vt ergo primum de situ villæ *Adalingerefthorpe* mentem aperiamus nostram necessum est. Sita illa erat, Sarachone abbate teste, in pago *Norththuringi*. Hunc in ducatu Magdeburgico et principatu Halberstadenfensi existisse, asseruimus supra. Putamus itaque, per villam *Adalingerefthorpe* significari vicum *Algerisdorp*, haud procul ab oppido Schöningen intra præfecturam Scheningensem eamque principatus Wolferbutelenfensitum. Concludimus autem ex hoc situ villæ, patrem ac patruum *Notbradi* ad progenitores Comitum Sommerfchenburgicorum eorumque consanguineorum spectasse: quia iidem domini, quos illorum agnatos nominare oportet, in eadem regione bona sua hereditaria passim possedere, vti iam supra §. 188. demonstrauimus. Cum vero in tota genealogia, l. c. adducta, nullum dominum nomine *Notbradum* deprehendamus, posset quis in dubium vocare, *Fritthericum* et *Luitbarium* eidem adnumerandos esse familia. Familiæ enim illustres nomina progenitorum suorum in gente sua libentes conseruauerunt. Sed salua res erit, simulac res antiquissimas consideramus, et *Vitam B. Lutgeri*, quam *Altfridus* composuit, euoluimus. Ea propter putamus, *Fritthericum* et *Luitbarium* ad gentem Sommerfchenburgicam referendos esse, eo quod eorum filius ac nepos appellatus est *Notbradus*. Villam *Uffenleuam* in eodem *Norththuringi* pago, et non procul ab *Adalingerefthorpe* villa reperiendam, ad ducem Ostfolorum *Hessi* spectasse, patet ex traditionibus nostris §. 104. Nullos reliquisse filios eundem ducem, eumque hereditate inter filias distributa monasterio Fuldensi nomen dedisse, demonstrauimus supra testimonio scriptorum ætatis æqualis. Cum autem dux ille fuerit et potentissimus et locupletissimus dominus, probabile est, eundem ducem quoque tenuisse villam *Adalingerefthorpe*. Porro inter coheredes ducis *Hessi* erant *Abbo*, *Richbertus comes*, atque *Otto comes*, a quibus §. 188. deduximus comites Supplinburgicos atque Anhaltinos. *Ottone* vero fuisse comitem patrem *Frittherici* et *Luitbarii*, statuimus. Quamuis autem nullum exster documentum, e quo comprobari possit, dictum *Fritthericum* iam possedisse bona, in *Adalingerefthorpe* sita; probabile tamen id nobis videtur. Ea enim, quæ *Notbradus* tradidit, procul dubio fuerunt bona hereditaria. Hæc *Notbradus* a patre suo accepit. Hæc itaque *Fritthericus* iam tenuit. Nonne ergo magna cum veritatis specie dicitur, *Fritthericum* et *Luitbarium* fuisse filios cuiusdam domini? domini, inquam, qui eodem in tractu bona hereditaria possedit, quique inter coheredes ducis Ostfolorum *Hessi* refertur. Nonne ergo probabilissimum erit, Sommerfchenburgicam atque Anhaltinam gentem per feminas descendisse a celebratissimo Ostfolorum duce *Ascone*? Sed instas monendo, familias nostræ Saxonie illustres lubentissime nomina progenitorum suorum tam agnatorum, quam cognatorum, inuicem conseruasse. Agedum expediemus breui hanc tragulam. De agnatis familiæ *Anhaltinæ* illud iam supra adfirmuimus. Cum enim in schemate genealogico *Anhaltinæ* stirpis, supra §. 188. producto, tot *Otones* et tot *Abbones* seu *Adelbertos* deprehendamus, verisimillimum exinde erit, *Abbonem* atque *Ottone* Principum eorum factores fuisse. Nunc de cognatis eorum id ipsum quoque ostendi et comprobari decet. Cum enim dixerimus

Cec e

xerimus



Ab anno  
900vique  
916 re-  
gnante  
Hludo-  
uico

xerimus, per feminas descendisse Anhaltinos a duce Ostfalorum *Ascone*, probabiliter capropter nomina quædam, quæ agnati illius ducis habuerunt, in gente Anhaltina superstitarunt. Duo ergo *Episcopes*, pater et filius, prodire videntur. Inter cognatos Anhaltinæ stirpis referendum esse ducem *Asig*, diximus. Idem de *Luitbario* ac *Notbrado* dicendum erit. Coniectamus enim, inter progenitores ducis Ostfalorum *Asig* quosdam existisse, qui nominibus eisdem insignes fuerunt. Atque ad hanc stabiliendam sententiam proderit multum Altfredi episcopi Monasteriensis *Vita S. Lutgeri*, quam nouimus insertam Tom. I. S. R. B. Leibn. p. 85. seqq. Ex hac didicimus, paternum genus S. Lutgeri ita se habuisse:

Wurfgangus, vir nobilis inter gentem  
Fresonum, floruit a 714. 719. vx.  
eius Adalgarda.

Nothgrimus,	IX. filie, quarum sex obiere virgines.		Thiargrimus, Vxor eius Liasburch, filia Nothradi et Adelburge.
N. filia	Hildegimus primus episcopus Halberst. † 827.	Herburg, monialis,	S. Lutgerus, primus episcopus Monaste- riensis † 24. april. a 809.
	Hildegimus, episcopus Halberstadenfis, vixit adhuc a. 888.	Thiargrimus, secundus episcopus Halbersta- denfis † 840.	Gerfredus, episcopus Monasteriensis, S. Lutgeri successor † 839.

Ex hoc genealogico schemate primum apparet, auum paternum S. *Lutgeri* fuisse Frisium adelingum. Patet deinde ex eo, auum maternum eiusdem *Lutgeri* fuisse appellatum *Notbradam*. De hoc *Notbrado* non immerito quaritur, quodnam ei fuerit natale solum? Adelingum eum fuisse æque ac *Wurfgangum*, probabilissimum est. Aliam enim feminam ducere quam nobilem, eo tempore nobilibus permiffum non erat. Femina Saxonica, quæ inuito patre et tutore cuiuslibet nupfisset, omnes, quas habuit, facultates, perdidit, testante *codice* nostro *MSepto antiquarum legum Saxonum*. Fuisse autem *Notbradam*, auum maternum S. *Lutgeri*, Saxonem, atque auum paternum ducis Ostfalorum *Hessi* seu *Asig*, id videtur nobis verissimum. Primum enim *Altfrius* in *Vita S. Lutgeri* p. 86. seq. refert, auiam *Liasburchæ*, et matrem *Notbradi* fuisse a religione Christiana alienam, eamque mandata dedisse seruo de rapienda filia tunc nata de sinu matris, eaque, priusquam lac sugeret matris, necanda. Is enim fuit mos paganorum, vt, si filiam vel filium necare voluissent, prolem ante nutrimentum primum necarent. Quamuis vero id effectui datum non fuit, siquidem superueniens misericors mulier mel immisit ori iuuenula. Ex eo non licuit, per gentilium morem necare *Liasburcham*. Sic ille. Nobis tamen videtur hoc ita in more positum fuisse Saxonibus, qui quidem furtum caballi capite, cædem vero nobilissimi viri pecunia, puniebant. Deinde ex *Litanis Rhythmicis*, *Vitam S. Lutgeri* continentibus, quarum partem excerptam exhibet *Leibniti* S. R. B. T. I. p. 110, patet, S. *Lutgerum* *monasterium Helmenstad* fundasse de proprietate vel hereditate. Idem refert *Annalista Saxo* T. I. *Eccardi* p. 374. Hanc proprietatem acquirere non potuit *Lutgerus* a patre suo *Thiargrimo* vel suo auo *Wurfsigo*. Hi enim in terra Frisorum erant natû ibique egerant diu vitam. A matre ergo sua, seu a cognato suo, hanc proprietatem seu hereditatem S. *Lutgerus* accepisse oportet. Cognatus ille videtur fuisse dux Ostfalorum *Hessi*. Huius pater erat *Hiddi*, vt iam supra demonstraui. Igitur, quantum coniectura adsequi licet, pater *Hiddi* fuit *Notbradus*, et *Liasburch* fuit dicti *Hiddoni* soror. Ex eo enim momento optime ratio reddi et explicari potest, vndenam *Lutgero* necessitudines et cogitationes de condendo apud Saxonem in loco *Helmenstad* monasterio admotæ et instillatæ fuerint: et quam ob rem eius frater *Hildegimus* primus creatus sit *Halberstadenfis* episcopus. Cum enim cognati eius per vicinam regionem bona sua hereditaria haberent, optima occasio adfulgebat illis persuadendi, vt sua traderent prædia S. *Stephano Halberstadenfi*. Apparet præterea ex illis momentis ratio, cur dux Ostfalorum *Hessi* se Carolo M. statim submiserit, et religionem Christianam fuerit amplexus. Si enim soror *Hiddi* fuit